



Toa Ushuhuda Ulio Hai

Kama vile ulivyonituma mimi ulimwenguni, nami vivyo hivyo waliwatuma Khao ulimwenguni.—Yohana 17:18.

Kwa sababu ya nguvu zinazoongezeka za majaribu ya Shetani, nyakati ambapo kwazo tunaishi zimejaa hatari kwa wana wa Mungu, nasi twahitaji kujifunza daima kutoka kwa Mwalimu Yesu Kristo, ili tuweze kuchukua kila hatua kwa uhakika na uadilifu. Matukio ya ajabu yanatokea mbele yetu; na kwa wakati huu ushuhuda ulio hai unapaswa kutolewa katika maisha ya watu wanaojiita kuwa ni watu wa Mungu, ili ulimwengu upate kuona kwamba katika enzi hii, wakati uovu unapotawala kila upande, bado kuna watu ambao wanaweka kando mapenzi yao na wanatafuta kufanya mapenzi ya Mungu—watu ambao sheria ya Mungu imeandikwa miongoni mwa na katika maisha yao.

Mungu anawatarajia wale wanaobeba jina la Kristo kumwakilisha Yeye. Mawazo yao yanapaswa kuwa safi, maneno yao maadilifu na yenye kutia moyo. Dini ya Yesu inapaswa kufungamana na yote yale wanayofanya na kusema. Wanapaswa kuwa waliooshwa, waliotakaswa, watu watakatifu, wakiwasilisha nuru kwa wote ambao wanakutana nao. Ni kusudi Lake kwamba kwa kuonesha ukweli kwa mfano katika maisha yao wawe sifa duniani. Neema ya Kristo inatosha kuleta hili. Lakini hebu watu wa Mungu wakumbuke kwamba ni kadiri tu wanavyoamini na kaziishi kanuni za injili ndipo wanaweza kutimiza kusudi Lake. Ni pale tu wanapotoa uwezo wao waliopewa na Mungu kwa huduma Yake ndipo watakapofurahia utimilifu na nguvu ya ahadi ambayo kanisa limeitwa kusimama kwa ajili yake....

Wafuasi wa Yesu wanalazimika kutengwa na ulimwengu katika kanuni na mivuto yake; lakini hawapaswi kujitenga na ulimwengu. Mwokozi alichangamana kila mara na wanadamu, si ili kuwatia moyo katika jambo lolote ambalo halikuwa sawa na mapenzi ya Mungu, bali ili kuwainua na kuwaadilisha.... kwa hiyo Mkristo anapaswa kuishi miongoni mwa wanadamu, ili kwamba ladha ya upendo wa Mungu iweze kuwa kama chumvi ili kuuhifadhi ulimwengu kutoka upotevuni.

Akiwa amezongwa na majaribu kila siku, akipingwa mara kwa mara na viongozi wa watu, Kristo alijua kwamba lazima auimarisha ubinadamu Wake kwa maombi. Ili aweze kuwa baraka kwa wanadamu, lazima azungumze na Mungu, akiomba nguvu, uvumilivu na uthabiti.... Pasipo kujumuika pamoja na Mungu kila siku, hakuna mwanadamu anayeweza kupata nguvu kwa ajili ya huduma. Ni Yesu pekee anayeweza kuyaongoza mawazo kwa usahihi. Yeye pekee Yake ndiye anayeweza kutoa matamano adilifu na kuunda tabia kwa mfano wa Mungu. Tukimkaribia kwa maombi ya dhati, ataijaza mioyo yetu kwa makusudi ya juu na matakatifu, na shauku kuu ya usafi na haki....

Mungu anatamani watu Wake waoneshe kwa maisha yao faida ya Ukristo dhidi ya ulimwengu; ili kuonesha kwamba wanafanya kazi kwa viwango vitakatifu vya juu zaidi.... Anatamani kuwafanya kuwa mifereji ambayo kwayo anaweza kumimina upendo na huruma Yake isiyo na mipaka (Counsels to Parents, Teachers, and Students, 322-324).